



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Compendium Sacrorvm Ritvvm Et Caeremoniarvm**

**Vinitor, Gerlacus**

**Coloniae Agrippinae, 1656**

XXV. De Octaua Corporis Christi.

**urn:nbn:de:hbz:466:1-9459**

culus XXIV. de Processione SS. Sacramenti annotata, seruanda sunt.

6. Quia solitum est per totam hanc octauam exponere Sanctissimum Sacramentum super Altare dum Vesperæ, aliaque officia diuina recitantur, Altare decenter ornatum esse debet velis, floribus & alijs ornamentis.

7. Quando per octauam Sanctissimum exponetur Sacramentum, Sacerdos paratus in Sacristia Amictu, Alba, Cingulo siue superpelleo, stolâ, & pluuiiali albi coloris præcedentibus. Thuriferario cum thuribulo & Ceroferarijs cum facibus ardentibus procedit ad altare ante quod omnes simul genuflectunt, interim Sacrista vel alius in Sacris ordinibus constitutus aperit ostium tabernaculi. Deinde Celebrans imposito thuribulo sine benedictione triplici ductu thurificat SS. Sacramentum genuflexus mox surgens, ascendit ad Altare accipit SS. Sacramentum & vertens se ad populum cantat vers. *Tantum ergo*, semelque populum benedicens collocat monstrantiam cum SS. Sacramento in loco eminenti Altaris, factaque genuflexione, in superiori Altaris gradu genuflexus rursus SS. Sacramentum triplici thurificat ductu, facta ante & post profunda capitis inclinatione, postremo Celebrans surgit & facta in plano genuflexione recedit in Chorum, aut Sacristiam. Quæ Ceremoniæ etiam obseruantur in repositione SS. Sacramenti.

---

## TITVLVS XXV.

### *De Octaua Corporis Christi.*

1. Solitum est octaua die huius festi post finem Completorii instituere processionem ad repo-

ad reponendum SS. Sacramentum, quæ non tam <sup>Caym. Epist.</sup> solemnibus, & longa via, vti prima, sed per Eccle- <sup>lib. 2. c. 33.</sup> siam, vel parum circa extra eam fieri debet.

2. Dum dicitur Completorium Ministri, Celebrans, Diaconus & Subdiaconus, Acolythi & Thuriferarij parant se suis paramentis, & alius Subdiaconus qui deferat Crucem processionalem, sicque parati procedunt ad Altare præcedentibus Thuriferarijs, Subdiacono eum cruce, & Ceroferarijs cum cereis accensis, postea sequitur Celebrans medius inter Diaconum & Subdiaconum eleuantes pluuiale de more.

3. Postquam ad Altare peruenerint genuflectunt omnes in plano, Deinde Celebrans surgens imponit thus duobus thuribus de more & incensat SS. Sacramentum in loco suo, quo facto imponitur ipsi velum oblongum, Deinde Diaconus ascendit ad Altare accipit Monstrantiam cum SS. Sacramento & tradit de more celebranti & fit processio ritibus supra, in processione SS. Sacramenti præscriptis cum decantatione Hymnorum de SS. Sacramento, *Pange lingua, Sacris solemnibus, verbum supernum*, habendo considerationem longioris vel breuioris viæ, reponiturque cum cæremonijs & cantu in Rituali Romano de processione SS. Sacramenti præscriptis.

4. Postridie manè Sacrista vel alius Sacerdos in Missa sumpto pretioso sanguine, sacram hostiam, quæ in Monstrantia asseruabatur, ante purificationem sumet. Lunulam verò diligenter purificabit, atque etiam, si videbitur, vino lotam purificatorio extergit, & Monstrantiam cum alijs vasis sacris securè deponet & reseruabit.